



# PENETETOTE

## Te ôroà o te Varua Moà

TAPATI PENETETOTE 1987.

Taioraa: Ohipa 2/1-12

Aoraa: Ohipa 2/12: "Ua maere noa ihoa ratou atoà, e ua feaa iho ra, na o aè ra ratou iho, E aha ra teie."

I mua i te mau ohipa taa è e tupu ra i mua i to ratou mata, i mua i te mau peu faahiaha a te Atua e faarohia ra e ratou i roto i to ratou iho reo mau, te ui ra te mau Ati-Iuta faaroo i haere mai i Ierutarema i teie nei uiraa: "E aha ra teie."

No te mea i uihia teie nei uiraa i te Oroà Penetetote, e tià roa ia tatou ia pahono na mua roa: "E aha ra te mau Oroà Teretetiano" e haapaohia nei e tatou i teie mahana.

Te mau Oroà Teretetiano, na mua roa, o te hoè ia mau ôroà haamanaoraa. I te Oroà Noera, te haamano nei tatou i te fanauraa o Ietu i roto i te vairaa maa a te puaa i Peterehema; i te Faraita Moà, to na poheraa i nià i te tatauro i Toratota; i te Oroà Pata, to na tià-faahou-raa mai roto mai i te menema o Iotefa i Arimataio; i te Oroà Revaraa, to na hoiraa i pihai iho i to na Metua mai nià atu i te mouà i Oriveta, e i teie mahana, to na horoàraa mai i to na Varua i nià i te mau àpote-toro i roto i te piha teitei.

Taua mau Oroà ra, e mau Oroà taa è roa ia, inaha hoi, ua fanauhia Ietu i nià i te fenua nei hoè noa taime, ua pohe o ia i nià i te tatauro hoè noa taime, ua tià faahou mai o ia mai te pohe mai, hoè noa taime e ua paiuma hoi o ia i nià i te rai, hoè noa taime. No reira, te feia atoà e ui ra i teie nei uiraa: "E aha ra teie". Te hio nei ia ratou i te hoè ohipa taa è roa te ore e tupu faahou mai teie e tupu nei i teie mahana!

Eiaha roa atu te feia atoà e haapapu ra i to ratou papetitoraa i teie mahana e feaa ia ore ia ite i teie poi-poi i te matai fana i te faairaa i teie nei fare pure e aore ia i te maniania no te rai i te harururaa, e aore ia, i te auahi i te faeearaa i nià ia ratou e i nià ia tatou. I tupu na taua mau ohipa taa è ra hoè roa taime, e mai taua Oroà Penetetote ra, aita ia teie nei mau ohipa taa è i tupu faahou! E mea faahiaha roa ihoa ia ahiri e parau te feia atoà

e haapapu ra i to ratou papetitoraa i teie mahana, i te reo Rutia e aore ia i te reo Arapia! Teie ra, e aha te faufaa ia parauhia teie nei reo i te vahi aita roa e hoè taata i ite i teie na reo.

No reira mai te peu, te haapao nei tatou i te mau ôroà teretetiano, ei haamanaoraa ia na tatou i te mau ohipa faahiaha i faatupuhia e te Atua na roto i ta na Tamaiti ia Ietu Metia: i haere mai na Ietu i rotopu ia tatou, o ia o Emanuera; i pohe na o ia i nià i te tatauro, o ia to tatou Faaora; i tià faahou mai o ia mai te pohe mai, o ia teie e ora nei e a muri noa atu; te parahi nei o ia i te rima atau o te Atua, o ia tei upootià e te faatere nei i te rima àtau o te Metua; te horoà nei o ia i te Varua Moà, o ia te haamau nei i te Etaretia.

"E aha te auraa o te mau ohipa taa è i tupu i te Oroà Penetetote". Na mua roa, ua àmui hoè te Etaretia taatoà i te vahi hoè. E taua huru o te Etaretia ra, aita i ite-faahou-hia i muri aè. Ua ani taua Etaretia ra i to na Fatu i ta na i poroi ia na: te Varua. I to te Varua pouraa mai, i àpeehia o ia e te hoè mau tapao rahi maere, e taua mau tapao maere ra, e auraa anaè ia to ratou.

Te haruru, te matai, te auahi te haamano ra ia i te parau no te mouà Tinai i reira to te Atua horoàraa i

te Ture. E te Oroà Penetetote e ôroà mau ia no te Ture... I teie mahana te parau nei te Atua ia tatou: "I roto i to outou àau vau e papai ai i ta ù Ture no te Aroha, eiaha faahou ra i nià i te ôfai i reira hoi to ù papairaa i ta ù Ture i mutaa iho, i roto ra ia outou: E here outou ia outou iho mai ta ù i here ia outou na".

E te mau reo èè i parauhia e te mau pipi, te faaita maitai ra ia e, ua riro taua mahana ra ei haamataraa no te hoè tau e faaroo ai te mau nunaa atoà o te ao nei i te mau ohipa taa è a te Atua i te paraurahia i roto i to ratou iho reo mau. I teie mahana, e tià ia parauhia e, te tupu ra taua parau ra, inaha hoi e e tià ia taio i te mau ohipa taa è a te Atua i roto i te mau reo e rave rahi atoà o te ao nei.

Tera ta te Oroà Penetetote e faaita nei ia tatou. "E aha ra teie". E tae mai to te hitià o te ra e to te toà o te ra, e parahi ratou i te àmuraa maa i roto i te Patireia e o Aperahama, o Itaata e o Iatopa.

No te feia atoà e haapapu ra i to ratou papetitoraa i teie nei mahana Penetetote, ua riro mau ia teie nei mahana ei mahana rahi, ei mahana rahi oaoa!

Ia parau tatou e te haamano noa nei tatou i teie mahana i te hoè ohipa taa è i ravehia e te Atua i



### SOMMAIRE

Parau faaite	P.2
Penetetote	P.3,4
I haapaohia te tapati no te taata	P.5
La journée sans alcool du samedi 4 juillet 87P.6	
Te rururaa oikumene i Uturoa	P.7,8
La femme d'un élève pasteur	P.9
Te mana o te Atua i te taeraa mai i o tatou nei (puiraa)	P.10
Témoigner au quotidien	P.12,13
Réflexion protestante sur l'encyclique "Rédemptoris Mater"	P.14,15
Eglise dans le monde. Quoi de neuf?	P.16

### VEA

#### Editeur

Eglise Evangélique de Polynésie Française - B.P. 113, Papeete - Tahiti, Tél. : 42.00.29.

#### Directeur de la publication

John Doom

#### Administration

Commission évangélique d'information - B.P. 113, Papeete - Tahiti, Tél. : 42.00.29.

#### Rédacteur en chef

Henri Hiro

#### Composition

Atamu Floria.

#### Photos

Feit Roland, Koenig Robert, Margueron Daniel, Teinaore Ralph.

#### Mise en pages et publicité

EDICOM  
Av. Georges Bambridge  
Tél. 43.11.88


#### Impression

Nouveau Journal  
Av. Georges Bambridge  
Tél. 43.33.33

#### Tirage

7.000 exemplaires.

« Veà porotetani » paraît chaque mois. Il est destiné à ses abonnés et à quiconque en fait la demande. Prix de vente au numéro : 40 FCFP.  
Abonnement annuel : 250 FCFP.  
Abonnement de soutien : 500 FCFP.



Samuel ADA lors d'un culte à Paea





# PENETETOTE

## Te ôroà o te Varua Moà

roto i te parau tuatapaparaa o to tatou oraraa, aita ia te reira e parau mai ra ia tatou e, i roto i te oraraa no te feia e haapapuru i to ratou papetitoraa i teie mahana e aore ia i roto i to tatou oraraa, aita atoà ia e ohipa ta tatou e faatupu.

Oia mau, te haamanaoraa i te Noera, te fanauraa o Ietu, eere ia i te haamanao-noa-raa i te hoê ôroà i tupu na, o te farii-atoà-raa ra ia Ietu ia tomo mai i roto i to tatou àau, i roto i to tatou oraraa. Te haamanaoraa i te poheraa o te Fatu i nià i te tatauro, eere ia i te hoê noa haamanaoraa, e te hoê ra ohipa tei tupu mau: no oe i pohe ai te Metia ; i manii to na toto no te horoiraa i ta oe hara. Ua horoà o ia to na ora no oe... Ua tià faahou o ia mai te pohe mai ia tià atoà oe no te ora e o ia, i te ora âpi o te feia atoà i hoohia mai e ana, ia noaa ia oe te Ora mure ore i teie nei a mahana. Ua reva o ia i nià i te rai ia ite

oe e, i reira, te pure nei o ia no oe... Ua tonono mai o ia i te Varua Moà i te mau âpotetoro ia noaà atoà ia oe te reira i teie mahana. No tatou hoi taua parau fafau ra: e horoà hoi te metua i te Varua Moà i te feia atoà i ani atu ia na.

"E aha ra teie". Na hea e noaa i ia ù te varua moà. E na hea vau e ite ai e ua noa ia ù te Varua Moà.

Te pahonoraa no te uiraa matamua "E na hea e noaa ai i ia ù te varua moà". Teie ia: o oe iho te ite no te mea ua rau te huru o ta Ietu horoàraa i te Varua Moà i te taata. No reira te feia atoà e haapapuru ra i to ratou papetitoraa i teie mahana, e rau atoà te huru o to outou iteraa i te ohipa a te Varua Moà i roto ia outou tatau tahi.

I teie mahana e fai ai te hoê pae i to ratou faaroo teretetiano, e mea faufaa

roa ia noaa ia ratou te puai o te Varua no to ratou oraraa mero no te Etaretia. A ani e e horoàhia mai te Varua ia outou.

I te piti o te uiraa: "E na hea vau e ite ai e ua noaa ia ù te Varua Moà. Teie ia te pahonoraa: e riro te parau no te taviniraa no oe ei mea oaoa! Rau noa atu ai te huru o to te Varua horoà-raahia i te taata, te ora nei tatou i to ratou faaroo na roto i te manao hau, te oaoa e te tiâturi i to ratou Fatu. O te taata tatau tahi iho ra te ite i te reira no na iho, no te mea o te hoê ohipa te reira e tupu ia na e to na Fatu, mai te hoê ohipa moê i rotopu i te hoa e te hoa..."

Ua tamata te hoê taata teretetiano tuiroo farani i te tuatapapa e na hea ra o ia e ite ai i to te Varua Moà oraa i roto ia na, i roto i to na oraraa. Ua papai o ia i ta na pahonoraa i nià i te hoê âpi



Célébration à Mare

parau ta na i nira i nià i to na àhu tei itea mai i muri aè i to na poheraa: "Te oaoa, te oaoa, te roimata o te oaoa..."

IHORAI Or.



# ARTILIN

PEINTURES ET VERNIS INSECTICIDES

Qui tuent : mouches, moustiques, fourmis, mites, termites, etc. par simple contact.

Non toxiques, les peintures et vernis ARTILIN diminuent les causes de l'asthme en éliminant les acariens "terreur des asthmatiques".

(Attesté par le ministère de la recherche et de la technologie).

- Non toxique - Double efficacité - A longue durée - Intérieur et extérieur.

## ARTILIN la peinture insecticide

AGENT EXCLUSIF

# GUILLOUX

TOUS LES MERCREDIS  
NOCTURNE  
JUSQU'À 19 h 00

TEL: 428349-Fare ute